

## হিংসা সভ্যতা

জাহেদ সরওয়ার

হিংসা সভ্যতায় ফোটা উৎকর্ষিত জবা  
দূষিত বাতাসে হবে বর্ণহীন, নুয়ে যাবে যেন  
সম্রাটের ভয়ানক বুটের তলায় ।  
জন্মের অনাদি কাল জুড়ে ইস্পাত হার্পুন  
গেঁথে আছে সভ্যতার তুলতুলে কলিজার মাঝে  
বিভৎস দুঃস্বপ্ন দেখে জেগে উঠা শিশু  
শতবার পৃথিবীর দাঁত লেগে গেছে  
কংকাল পুড়ে যাওয়া ধূম ঘোলা করে ভূ-মন্ডলে  
অধীর নিমগ্নতার টাক পড়া বিজ্ঞানী শিশুরা তাই দেখে  
লুকনোর গর্ত খুজে চাদেঁ আর মঙ্গলে

শুধু সেই বর্ণহীন জবা ফুল জানে  
সভ্যতার মানে করোটির মালা হিংসার সম্মানে ।